

2102-4-61 | شرح تفصيلي للأحداث | الاستبعاد من الانتخابات

| حازم صلاح أبو اسماعيل

حازم صلاح أبو اسماعيل

بسم الله الرحمن الرحيم. الحمد لله رب العالمين. والصلاة والسلام على سيدنا رسول الله وعلى اله وصحبه اجمعين. الحقيقة انا ربما

أكون اليوم آآ اتقلت عليكم. لانه كزا مرة انا اتكلمت صحيح كلها كانت مرات سريعة. انما الحقيقة اللي - [00:00:00](#)

حصل ان في بعض اخواني الفضلاء قالوا لي لأ احنا عايزين كلام تفصيلي فيه الحكاية بالكامل علشان نقدر نستوعب ايه الصورة بالظبط وانه ما ينفعش نرجى ده لبكرة لابد ان تكون الصورة واضحة عندنا احنا مش فاهمين. شوفوا يا اخواني الوقتي اللي حصل -

[00:00:20](#)

انه علشان برضو تبقوا معي انا وانتم بالظبط اللي موجود في ذهني موجود عندكم ما فيش حاجة انا في منفرد بمعرفتها وانتم ما تعرفوهاش اللي حصل انه اول ما بدأت هذه الشائعة تظهر وبعدين رحنا انا لكي اقدم اوراق في لجنة الانتخابات الرئاسية -

[00:00:40](#)

قلت لرئيس اللجنة انا عايز اقطع الشك باليقين فورا. يا اما تديني جواب دلوقتي اروح به الجوازات او تديني مندوب انت تبعته من

عندك يروح الجوازات ويجيب بكرة شهادة اما ان والدتي عندها الجنسية الامريكية او لأ ونبقى تبين - [00:01:01](#)

من الاول فرفض هذا. رفضه وانا اعلنت ده مرارا وتكرارا انه رفضه رفضا قاطعا علشان يسيبونا للوقت المزنوق ويوتروا البلد ويعملوا هذه المشكلة. طيب بعد كده لما بدأ يتبين ان في كلام عن الجنسية الامريكية - [00:01:21](#)

حببت اتكلم معه لقيته مش ناوي يا بت في الموضوع الا في الوقت الحرج. انا الذي بادرت وذهبت الى المحكمة والى القضاء واقدمت

ورفعت قضية وقلت للقاضي ادي كل المستندات اللي عندي اللي تثبت ان امي مصرية ولم تكنسب الجنسية الامريكية - [00:01:41](#)

بغير جدال وادي المستندات اللي بيقدموها الحكومة ضدي اللي بتزعم غير هذا. فهي محكمة ادي ما عندي عندهم احكمي مش انك

تدي مش ان وزير الداخلية يدي شهادة لأ ان محتوى الشهادة ان فلان لم يسبق لها ان - [00:02:01](#)

حصلت على الجنسية الامريكية. او انها حصلت على الجنسية الامريكية لو طلعت حصلت. اللي حصل ان احنا حضرنا ثلاث جلسات

قدام المحكمة وترافع فيها المستشار محامي الحكومة اتنين مستشارين محامين عن الحكومة وانتهدت الى صدور حكم قضائي

الساعة حادشر - [00:02:21](#)

الليل او عشرة ونص وشوية زي ما انتم شفتم بان فلانة لم يسبق لها ان حملت الجنسية الامريكية وانه يا وزير الداخلية ادي لها شهادة

بكده. الحكم ده ما كانش صادر ضد وزير الداخلية زي ما بيضحكوا على الناس دلوقتي عشان يوهموه. لا يا فندم - [00:02:41](#)

القضية دي مرفوعة على تلت جهات على وزير الداخلية وعلى وزير الخارجية وعلى لجنة الانتخابات الرئاسية ولزلك الحكم ده حجة

عليهم الثلاثة الداخلية والخارجية والانتخابات الرئاسية على الثلاثة. اما حبوا انهم يقولوا - [00:03:01](#)

واحنا هنلتف على حجبية الحكم الحكم ده عملوا ايه؟ زعموا وده زعم غير حقيقي انه جا لهم مستند جديد بعد صدور الحكم. النهاردة

لما رحنا للجنة شفت المستند الجديد اللي هم بيقولوا ان جا لنا بعد ما الحكم صدر. مع الاسف الشديد - [00:03:21](#)

بل مع العار الشديد. بل مع المرارة الشديدة ان انا فوجئت طبقا لمزكرتهم الداخلية هم نفسهم وده لقاء كان حاضر فيه سبعة او ثمانية

اشخاص كلهم شهود بهذا انهم كاتبين ان هذا المستند جا لنا يوم سبعة ابريل - [00:03:41](#)

الحكم طالع يوم حداثر سبعة ابريل عندهم هذا المستند. امال ايه اتناشر دي؟ طلبوا اعادة انه يرسل اليهم مرة ثانية علشان يبقى عندهم تاريخ ارسال جديد بعد تاريخ الحكم. انما الحكم ولزلك لو ترجعوا الى الموقع الرسمي للجنة الانتخابات الرئاسية - [00:04:01](#) هتلاقي فاروق سلطان في بيانه اللي طالع يوم سبعة بيقول ايوة انا جالي فعلا شهادة بتقول ان والدة حازم ابو اسماعيل آآ اكتسبت الجنسية الامريكية. سبعة ابريل بيتكلم عن الشهادة اللي ببيزعوا الوقت انها ما جتلمش غير يوم اتناشر. يقول لك معلش اصل - [00:04:25](#)

يوم اتناشر ارسلت الينا لان احنا طلبنا انها تيجي لنا كاصل ونشوف الموضوع انما مشار اليها من سبعة ابريل. للدرجة دي حاجة جايضة بيعملها آآ ومع تقديري وعرفاني لكل المحامين جايز يعملها محامي ولا وكيل محامي تحت بير سلم انه يعمل حيلة زي كده انه - [00:04:42](#)

يعيد يعمل صادر وارد جديد علشان يدعي ان الكلام جديد ويلتف على حجية حكم قضائي صادر ضد الجهات الثلاثة. والنهارده وانا قاعد مع لجنة الانتخابات الرئاسية قلت لهم صراحة قال لي لأ ده دي ضد وزير الداخلية. قلت له لأ يا فندم انتم كلكم عارفين - [00:05:02](#)

هو اللي بينكم المحكمة الدستورية او من مجلس الدولة او من محكمة النقض او من استئناف القاهرة. عارفين حجية الحكم مش لمنطوقه بس ولما يرتبط به ارتباطا لا يقبل الانفصال من الاسباب. واسباب الحكم قالت انه ثابت انها لم تحصل من قبل على الجنسية - [00:05:22](#)

الامريكية وانه كافة السجلات الداخلية خالية من هذا. رحت بقى النهاردة طبعا انا رحت قبل كده لجنة الانتخابات الرئاسية من ساعتها ثلاث مرات وقدمت في كل مرة مذكرة ومفصلة وانا يا اخواني نشرت لكم المذكرات دي وبعضها - [00:05:42](#) بخط اليد واحنا قاعدين بنكتبه بسرعة عشان نلحق الميعاد. نشرتها منزلة وازن ملأت النت. علشان اقول للناس ادي اوجه الدفاع عشان لو فيه حد عنده كلمة مش مزبوظة يعرف يقرأها ويشوف احنا اللي صح ولا هم اللي صح. عشان يبقى اللي بيشوف فيصل. امبارح - [00:06:02](#)

امبارح رحت وقدمت التزلم. واللي قابلتهم بعد ما شفت المستندات المقدمة دي قلت له عارف حضرتك المستندات المقدمة دي المقدمة دي كلها ما فيش منها ولا مستند واحد من الناحية القانونية موجود اصلا. وانا هااa

رحنا قدمنا التظلم والنهاردة رحنا علشان المناقشة الشفوية. النهاردة ده بقى هو المهم. دخلت على اللجنة من خمسة من مستشارين وعشان تبقوا عارفين يعني حجم الحديث مش ازاي عشان برضه انا عايزكم - [00:06:42](#) ومعني من الناحية الوجدانية ايه اللي حصل؟ اللي حصل ان انا اول ما دخلت قلت لهم انا مش عايز اتكلم في اقوالي ودفاعاتي انا عايز اسألکم الاول. هل انتم عندهم اي حاجة اخرى غير التلات اربع مستندات اللي انتم ذكرتموه - [00:07:02](#) في قرار استبعادي من الانتخابات فقال لي شف ادي الملف بالكامل وشف المستندات اللي فيه. فرد رئيس اللجنة بعد شوية وقال لي على كل حال انت شفت لغاية يوم اتناشر احنا ما جلناش حاجة بعد - [00:07:22](#)

يوم اتناشر. قلت له كويس جدا. يبقى اذا ما فيش حاجة بعد يوم اتناشر وما فيش حاجة غير اللي موجودة في القرار. اللي موجود في القرار عبارة عن ثلاث مستندات انا لو سمحت لي اناقشك فيهم واحدة واحدة وبرضو اسألکم يعني يمكن انا مش واخذ بالي. فين اول مستند اللي انت - [00:07:42](#)

جايه في اولها وبتقول لي شهادة رسمية صادرة من وزارة الخارجية الامريكية تفيد ان فلانة حاصلة على الجنسية الامريكية بدءا من تاريخ كذا قلت له هي دي الشهادة؟ هي دي حضرتك مش كده؟ قال لي اه. قلت له طيب شهادة صادرة من - [00:08:02](#) الخارجية الامريكية فين انها صادرة من وزارة الخارجية الامريكية؟ فين كلمة الخارجية الامريكية؟ شهادة خالية تماما وانا نشرت اه صورتها دلوقتي على النت تقدرروا كل الناس يشوفوها وكل خلق الله يشوفوه. قلت له فين ان الشهادة طالعة مزعوم مدعاة انها طالعة

من وزارة الخارجية - 00:08:27

الامريكية فين؟ ما فيش ولا كلمة واحدة اسمها الامريكية. ومع ذلك يمكن احنا ما بنعرفش انجليزي ادي الترجمة العربي الرسمية من قلم الترجمة في العدل اللي انتم جايبينها ومختومة بختم النسر. ادي الترجمة. هل الترجمة موجود فيها كلمة الخارجية - 00:08:47

امريكية القنصلية الامريكية مش موجود لا في الاصل ولا في الترجمة الرسمية. من اين لك يا لجنة انك تعملي تطوير في النص. وتقولي صادرة من وزارة الخارجية الامريكية. جبتي مين كلمة الامريكية مش موجودة في المستند خالص. والمستند - 00:09:07 منشور لو سمحتم شوفوه. بتألقي بتبتكري بتطوري بتطعلي من عندك حاجة مش موجودة في النص وبعدين الحاجة الثانية شهادة رسمية انتم كاتبين انها مهمورة بتوقيع وبختم. من فضل سيادتكم يا سعادة المستشار ويا سادة المستشارين فين الختم؟ الشهادة دي وكانت طبعا لوحدها انا برضو افك الدبوس ده عشان يبقى - 00:09:27

بالزبط زي ما عملت هناك اعمل قدامكم بالزبط. مسكت الورقة قلت له الشهادة اهي فين الختم؟ لو سمحت من فضلك طلع لي الختم فين الختم ده في عليها ختم؟ لا ما فيش ختم. قلت له طيب فين الختم؟ قال لي هو المقصود يعني الختم البارز اللي هو اللوجو او اللي فوق انت عارف لما - 00:09:57

واحد يبقى مسلا عنده مكتبه ولا جريدة ولا اي حاجة بيكتب فوق مكتب فلان او حاجة ده معمول بالضغط البارز زي ما اي مطبعة هنا قلت له يا فندم وده اسمه ختم بالله؟ ده اسمه ختم ولا اسمه مطبعة؟ هي ده ده ختم - 00:10:20 ولا ده مطبعة؟ وبعدين هو ده انا اما ابقى قدام المحكمة الدستورية ومحكمة النقض ومجلس الدولة ومحكمة استئناف القاهرة اربعة اعضاء في اللجنة البادج ولا اللوجو البارز يسميه ختم. امال اسيب ايه لوكيل محامي صغير لما لما يوصفه في القرار الرسمي -

00:10:39

ان هو ختم وهو مش ختم خالص اهو اللوجو عبارة عن عن البادج فقط قلت له طب حضرتك سيبك بقى من البادج فيه ختم؟ قال لي لا ما فيش ختم. قلت له طب والورقة اللي ما عليهاش اختام تبقى اسمها ورقة رسمية؟ شهادة رسمية صادرة - 00:10:59 ورقة خالية تماما من الاختام ومع ذلك حضرتك بتقول لي ان عليها علامة مائية. عارفين علامة مائية زي الفلوس كده. زي العشرة

جنيه والخمسة جنيه والمية جنيه والخمسين جنيه تحطها في النور تلاقى علامة - 00:11:15

هي العلامة المائية دي اللي هي بتبقى معمولة فضة وبتبقى باينة طيات الورق وتتحط والورق يتكس عليها عشان تبقى علامة مائية تدل على ان الورقة قلت له يا فندم الورقة اهي قدام سيادتكم في عليها علامة مائية ولا دي المطبعة لما بتيجي تتبع ورق عند مطبعة وتحطه في - 00:11:30

كده يقوم يبقى مكتوب عليه زي الورقة دي واللله. الورقة دي اهي دي ورقة من مكنة التصوير في المكتب عندي. مكتوب عليها تحت اهي بعلامة مائية حازم صراحة ابو اسماعيل دي عبارة اهي من غير واللله اهي سبحان الله ما كنتش واخذ بالي. دي علامة مائية ولا مطبعة؟ دي بتعملها اي مطبعة لو - 00:11:50

لو عم حسنين البقال عايز يعمل الورق بتاعه مكتوب عليه دي ما اسمهاش علامة مائية. تيجي لجنة مكونة من رئيس المحكمة الدستورية ومحكمة نقض محكمة ومجلس الدولة واه وتسمي اللي بتعمله المطبعة تسميه هنا ختم وهنا علامة مائية للدرجة دي.

للدرجة دي علشان - 00:12:10

يدعي انه مستند رسمي قلت له هل هي علامة مائية؟ قال لي ايوة دي بتعملها المطابع طبعا معروف. قلت له ده رزمة الورق كلها كل رزمة الورق بحالها عبارة عن رزم كده تسحب اي ورقة وضربت له المثل ده - 00:12:30

قلت له لو واحد سحب الورقة وزوجته بتمليه في التليفون هات لي اتنين كيلو سبانخ واتنين كيلو خيار واتنين كيلو كزا هيكتب على الورقة دي القائمة دي وهي ورقة عليها اللي بيسموها اللي هو بالمطبعة ده. ومع ذلك سيادتكم بتقول ان هي كمان ورقة موقعة من فضلك فين التوقيع - 00:12:45

الورقة خالية تماما من التوقيع. تماما من التوقيع. وليس هناك حاجة تقول انها ان في توقيع ابدأ ابدأ وعلى فكرة طبعا للقانون المصري

وطبقا للقانون الامريكي التوقيع لازم له شروط لازم يكون مقروء - [00:13:05](#)

ويدل على اسم صاحبه عشان اعرف آآ اقول ده توقيع مين ويدل على صفته ويدل على وزيفته والا ما يبقاش قش موجود عنده اي شيه يدل على هذا فما ينفعش. عندك ورقة هاتها لي. جيت انا النهاردة نعلم - [00:13:26](#)

اه اه تمام. الصور من نفس الكلام ما يجراش حاجة لأ عادي عادي. فالفكرة انه الورقة قلت له هل في عليها اي توقيع؟ التوقيع لازم يكون مقروء لازم يدل على وظيفة صاحبه على صفة صاحبه والا يبقى توقيع - [00:13:46](#)

اطل في حكم المحكمة الدستورية ومحكمة النقض ومجلس الدولة واستئناف القاهرة اللي انا قاعد قدامهم. احكامهم بتقول كده. وقلت لهم الكلام ده قدامهم الكلام اللي بقوله لكم دلوقتي انا بحكي لكم اللي انا قلته لهم ساعتها. فقال لي هم يمكن يقصدوا دي -

[00:14:06](#)

دي حاجة كده عاملة والله ما انا عارف دي ايه مانجة دي ولا ولا نجمة ولا يعني حاجة كده. قلت له ده واحد بيعلم الورقة شف

سيادتك يا فندم المكان - [00:14:26](#)

اهو ما اعرفش واضح الكلام ده كده ولا المكان اهو اللي المفروض الواحد المختص يوقع تحته. تسبب المكان اللي يوقع تحته وتروح اخر الصفحة الناحية دي تعمل علامة كده تقول لي ده توقيع. وهو غير مقروء ومش معروف اسم صاحبه. ولا صفة - [00:14:36](#)

ولا وظيفته وتقول لي هو ده التوقيع وده مش توقيع دي علامة واحد بيعلم الورقة. وبعدين يوقع بعيد قوي الناحية دي. وكمان سايب المسافة دي كلها بين نهاية الكلام وبين ده قلت له دي ورقة اعطيت على بياض وملئ عليها هذا الكلام وليس هذا بتوقيع اصلا. ولو كان

توقيعا فانه باطل - [00:14:56](#)

طبقا لاحكامكم انتم اسمع بقى كده يا يا اصحاب السعادة المستشارين. اذا الورقة الوحيدة هي دي الورقة الوحيدة يا اخواني اللي بيسموها شهادة رسمية هي صادرة عن الحكومة الامريكية تثبت ان فلانة اكتسبت الجنسية الامريكية. قلت له اذا هزه ورقة غير -

[00:15:18](#)

موقعة غير مختومة غير ثابتة الشخص اللي وقع اسمه ايه اساسا ما فيش عليها كلمة الحكومة الامريكية ولا القنصلية الامريكية ولا الخارجية الامريكية. ما فيش عليها بادج يقول حتى البادج البارز - [00:15:41](#)

اللي هو بيقول عليه ده ما علوش كتابة. ما يقولكش ده طالعة منين. يعني مسلا البادج نعرف ان هو منين ده عبارة عن علامة النسر كده زي اي علامة النسر اللي بيستعملوها الامريكان في اي - [00:16:01](#)

في حنة علامة نسر دي موجودة حتى في الشركات العادية. وما فيش عليها الا دي وزارة الخارجية ولا الداخلية ولا ده ايه ولا حاجة خالص. قلت له من اين انا بقى ما ليش دعوة بكل ده. انا بسأل سؤال واحد بس عن اللجنة - [00:16:11](#)

من اين اللجنة بهذا المستوى القضائي الرفيع انها تاخذ من ده الاوصاف ده انها شهادة رسمية مختومة متوقعة وصادرة عن الحكومة الامريكية كل ده جبته منين وهو لا وجود له هنا؟ هي دي الورقة اللي بتقضي بها واحد مرشح - [00:16:26](#)

رئاسة دولة بورقة كده مبعوتة انت مش عارف مين اللي بعته اطلاقا هو ده هو ده اللي انت عايز الشعب المصري كله يبقى واقف في الشوارع مطمئن ان انت يوم ما طلعت كده طلعت مزبوط وغير كده تقول له اصل الورقة دي جت لي مرة تانية يوم اتناشر علشان هي

عندك من يوم سبعة - [00:16:46](#)

تخترق بها حجية حكم قضائي البيان القانوني المصري. القائم على حجية الاحكام. تخترقه بان الورقة دي الو ابعته لي تاني بكرة عشان يبقى بعد الحكم يبقى طمأنينة ايه اذا الاحكام القضائية مخترقة بهذه الصورة فادي اول مستند انا وريته لكم ونشرته وعلشان

وبعدين بالمناسبة - [00:17:06](#)

دي انا لقيت تحت مكتوب عليه دبلوماسك نوت. دبلوماسك نوت دي يعني بلوك نوت يعني ورقة كده من اللي هي بتتخط في مسلا في المؤتمرات الدبلوماسية انا لما اروح اقول له لو سمحت اديني ورقة يديها لي كده انما ما فيش فيها اي شيه وبالله اكثر من كده قلت له

لهم ساعتها انا مش باقول لكم - [00:17:29](#)

دلوقتي حاجة جديدة انا بقول لك اللي قلته له. قلت له وبعدين بعد ازن حضرتك فيه في الدنيا ورقة من حكومة لحكومة بتطلع بالطريقة دي ولا بيبقى على وشها كده يتدبس ورقة ويسموها كفر ليدر. خطاب كده يا حكومة مصر مرسل اليك الشهادة اللي انت طلبتها من - [00:17:49](#)

الامريكية فانا بيعت لك اهو الكلام ده وبعدين تقلي كده تلاقي الشهادة. فيه في الدنيا قولوا لي انتم فيه في الدنيا حكومة بتبعث لحكومة تانية شهادة مفردة بدون الكفر ليدر. فقلت للسادة المستشارين. اللجنة اللي بتتخذ قرار باقصاء مرشح لرئاسة دولة - [00:18:09](#)

بناء على الورقة دي. قلت لهم فين الكفر ليدر؟ فين الجواب اللي بيقول ان احنا ليه بقى كفر ليدر هنا ده اللي هو الورقة يعني اللي في الوش انا اسف طبعا. الورقة دي قيمتها ايه؟ لازمها ايه؟ لازمها انها تبقى ورقة مخطوبة - [00:18:29](#)
ختم الحكومة الامريكية وختم السفارة الامريكية لازمها ان هي تاخذ صدر وارد نقدر نطلق نطلع عليه انما دي ما فيهاش ولا صادر ولا وارد ولا امضى ولا وظيفة ولا جهة ولا حاجة ابدأ - [00:18:49](#)

وقلت لهم اكثر من كده. وانا وانا باقول الكلام ده كنت محرج. وقلت لهم انا محرج وانا باقوله. قلت لهم انا معي في العربية ازا ما يعني شفتهم ان ده مش مجاوزة انا معي نفس الورق ده في العربية هو هو - [00:19:03](#)

رحت امبارح بالليل لقيت واحد شاب مستني قدام المكان اللي انا رايعه. معه ملف مليون بالاوراق جايب لي ورق بالزبط نفس الورق ده بالزبط واللي انا لسة هاشرحه بيقول فيه ان السيد المستشار فلان الفلاني احد المشاهير في لجنة الانتخابات - [00:19:23](#)
الرئاسية يعني انه يحمل الجنسية الاسرائيلية. وهو طبعا ما بيحملش الجنسية الاسرائيلية لكن حابب هو عامله له بنفس الطريقة كده ورق كده مكتوب بالالة الكاتبة وما عليهوش توقيع لحد وعمل عليه علامة المنجة - [00:19:43](#)

دي ولا الكمترى في الجنب دي كده اللي هي التعليم كده وخلص ونفس الكلام ودبلوماسك نوت وكل حاجة وكل شيه وبارزة من فوق واخر جمال قلت له تأذن لي اجيبه؟ سلمه لحضرتك انا بس مستحي. حدث هذا. فانا عايز اقول لكم ادي اول مستند بيستندوا عليه - [00:20:03](#)

فاضية حاجة فاضية وعلى فكرة علشان اي حد يتكلم معكم بقى اعلاميين مستشارين محامين اي مخلوق عايز يتكلم بكده انا ممكن اجيب له ملف ان هو بالجنسية اللي هو عايزها. ما لان ده اصلا ما فيش تزوير. ده ما فيش توقيع مسلا متزور. يعني انا مش هزور حاجة. مش محتاجة تزوير - [00:20:25](#)

وانا بعقد ان هم عملوا كده والاكثر من كده. وده المستند رقم اثنين. شيه عجيب مفاجأة برضو انكشف التحركات اللي بيقول ان نوال عبدالعزيز نور دخلت في يوم كذا وخرجت يوم كذا ومعها جواز امريكي وكذا وكذا - [00:20:45](#)

كشف التحركات بتاع وزارة الداخلية شفتهم هناك وازا بي افاجأ بانه كشف لا التوقيع عليه بالمررة. وغير مختوم بختم الداخلية ولا اي ختم بالمررة. ومرة تانية قلت لهم يا سادتي المستشارين هو ده الكشف اللي انتم بتعتمدوا عليه ما فيش عليه ولا توقيع ولا ختم ولا اي حاجة ده ورق ممكن اعمله في الكمبيوتر - [00:21:06](#)

بتاع مكتبي هاقول لواحد اعمل لي كشف كده حاجة يعمله. اي ورق اللي يعطي له وصف الرسمية ايه؟ انه بيبقى عليه توقيع او امضاء او ختم. ما فيش. وقدام ورق عبارة عن هواء وتأتي - [00:21:36](#)

في لجنة الانتخابات الرئاسية عايزة تعتبره هو ده السند اللي تقصي به مرشحي رئاسة الدولة قلت له يا اخي ما تفضحوني يا اخي. طلعوني حطوا لي زي ما بيقولوا العوام حاجة تخرم عيني كده - [00:21:51](#)

انما تيجي النهاردة تقدم لي ده طيب المستند الثالث. بيبقى اول ثاني مستند لا توقيع ولا ختم. هو هو المستند الثالث الثالث والرابع مرة واحدة علشان حاضر. المستند الثالث والرابع مرة واحدة - [00:22:05](#)

لان هم شيه واحد تقريبا. المستند الثالث والرابع اللي الحكومة اللي لجنة الانتخابات الرئاسية اللي مستشارين الكبار بيستدلوا به علشان يطلعوا واحد برة الانتخابات الرئاسية ويشيلوه من كشف المرشحين. مع الاسف ومع - [00:22:24](#)

والله العزيم ومع المرارة عبارة عن وانا نشرت عبارة عن صور ضوئية بالمكنة صور ضوئية سألتهم في اي مخلوق قانوني في مصر اي واحد في مصر عارف ان الصورة الضوئية قيمتها القانونية انه اذا انا انكرتها وجحدتها وقلت انها مش صحيحة. قيمتها ايه يا محكمة يا - [00:22:44](#)

سوريا وبا مجلس دولة ويا نقض ويا استئناف القاهرة في كل احكامكم. قيمتها انها زيرو صفر لا لا تعتبر موجودة كما اطلاقا. طب يا فندم سيادتك جبت لي الصورة دي يوم التلات مسلا اللي فات وانا يوم الاربع قدمت لحضرتك مزكرة قلت فيها ان انا باقول - [00:23:15](#)

واججدها وغير صحيحة وسلمتها وحضرتك مضت لي بالاستلام على الصورة دي. انا الصور انا مش معترف بها وانكرتها وجحدتها وبقول ما لهاش اصله متفبركة ازاى بعد ما صارت زيرو طبقا للقانون لجنة عليا بهذه الصورة تضعها في على بندين على ان هي مستند علشان - [00:23:35](#)

اقصي ولزلك بعد ما خلصت شرح قلت له بقى انت حضرتك بتقول لي بناء على الاسباب الاتية اولاً زيرو ثانياً زيرو ثالثاً زيرو رابعاً زيرو بناء عليه قررنا ابعاده ده انت كده بتقول لي على صور ضوئية انت اللي بتقول في احكامك ان هي زيرو. ومع ذلك اتفرجتوا انتم على الصورة الضوئية ازاى مطموسة - [00:23:58](#)

موسى بعضها مطموسة او بعضها غير مقروء وبعضها زي ما انتم شفتهم كده فيه طمس طمس آآ متعمد يعني شف دي شوفوا البلوك الاسود ده شايف ده شايف ده وانا نزلته واضح - [00:24:22](#)

يعني الصورة نفسها جرى فيها جرى فيها تلاعبات واحنا مرقمين كمان الاماكن دي. طب انا اطمن ازاى اذا كنت بتقول لي انت الصورة دي صورة وجرى فيها تلاعبات وليس شف بقى اسمع كده ليس عليها اي توقيع منسوب لنوال دي اصلا. يعني ما فيش عليها توقيع منسوب لنواة - [00:24:38](#)

اساسا يا نهار ابيض! صورة ضوئية لمستند اصله ما عليهوش توقيع. طب دي ايه؟ يقول لك ده ايه؟ طالبة تصوت في الانتخابات الامريكية طب فين توقيعها؟ اللي انت بتدعيه اللي انت بتزعمه اللي انا اللي انت بتقوله فبركة ما فيش توقيع لها. وكمان مصورها صورة - [00:25:01](#)

مصورها صورة ولاعب في في البيانات المتعددة ما اعرفش ايه اللي بيخفيه الحقيقة انا ما اعرفش هو يقصد باخفاء ايه بده هي دي والكلام ده بقوله لجنة وهم قاعدين قدام المستشارين الخمسة اهلا وسهلا واصحاب مكانة ما بتكلمش انا في كده. انما يعني انا اللي قاعد قدامهم يعني موجود كده فبقول لهم اهو - [00:25:21](#)

اقول له فين انت يا حضرتك يا اصحاب المكان المستدلين بصورة اللعب فيها صريح واضح هم مش منكرينه. وما عليهاش توقيع لحد وتقول لي اهو دليل انها طالبة تصوت في الانتخابات الامريكية. فين توقيعها؟ فين الطلب؟ وصورة ضوئية وانا بانكرها. ودي - [00:25:41](#)

الصورة الثانية اللي جابها لي اخونا الكريم اهي. الصورة الثانية دي جايب لي صورة اه اهيت قدامي. الصورة دي ماذا استطيع ان اقرأ منها انا نزلتها على النت واديكم شفتوها. حد عارف يقرأ منها حاجة - [00:26:01](#)

وبعدين جايب لي صورة يقول لي صورة طبعا ما عندهمش هم قال لي احنا مع الاسف ما عندناش في لجنة الرئاسة مكنة تصوير ملون فهندي لك ابيض واسود. طب متشكرين اوي. ايه الفرق بين التصوير ملون ومكنة تصوير ابيض واسود في القانون؟ هل القانون قال ان في فرق اللاتين - [00:26:17](#)

صورة ضوئية واحدة اتاخذت بمكنة يمين والتاني مكنة شمال صورة ضوئية. ازاى تعتمد على صورة ضوئية وانا جحدتها وكل القضاة مستشارين قاعدين عارفين ان كوني انكرت قيمتها تصبح صفر. وبعدين في الاخر قلت لهم يا جماعة انا قدمت لكم مستندات في - [00:26:37](#)

محكمة وانتم شفتوها المستندات اللي تقطع قطعيا بان والدتي ظلت لغاية اخر لحظة لغاية الفين وتسعة مصرية الفين وتسعة هي

متوفاة في يناير الفين وعشرة. عليها رحمة الله ورضوانه يا رب العالمين. فقلت لهم انا قدمتها قطعيا ومع ذلك - [00:26:57](#)
قلت لكم قدموا لي حاجة عليها خطها. بصمتها فيديو لها اي حاجة اللي بيخش الطائرة بيدخل بيكتب كارت بيسجلوا كده باسمه ورقم
الجواز ونوع جنسيته. قلت لهم ما تجيبوا لي الكلام ده. اذا كنت انا جبت لكم ان هي مسافرة من امريكا - [00:27:17](#)
كاهو بالجواز المصري وبتزكرة تزكرة شاريها كمصرية. انت هات لي بقى هنا بخط ايديها. انما تسبب كل ما واطلب منك مستند بخط
ايديها او فيديو لها زي القسم اليمين او آآ توقيع بايديها او بصمات او اي حاجة. خلاص امريكا - [00:27:37](#)
انت مش عارفة تجيب حاجة من ده وجايه لي الكلام ده اللي مطموس والمنغش واللي ما عليهوش توقيعات واللي ما عليهوش
اختام خلاص هو ده اللي بتوصي به وبعدين كلمتهم بعد كده الحقيقة في جانب الاختصاص. دي نقطة مهمة جدا. قلت له دلوقتي
المرشح ده - [00:27:57](#)

لازم يجيب لك شهادة بان هو مسلا ادى الخدمة العسكرية. ينفع انا اجيب لك شهادة باني اديت الخدمة العسكرية. تقول لي والله انا
هلغي انا وزير الدفاع ده هيرمييه على جنب وانا اقرر انا من عندي كلجنة انتخابات رئاسية ان انت اديت الخدمة العسكرية ولا لأ؟ ولا
انت بتعتمد على - [00:28:17](#)

القرار ذي الصفة ذي الصفة. بتعتمد على قرار المختص وهل ممكن اجي اقول لك والله لازم سني يكون في تاريخ الانتخاب اربعين
سنة انا اهو مولود مسلا سنة اتنين وسبعين مسلا على سبيل المثال - [00:28:37](#)
اتنين وسبعين معلش. المولود سنة اتنين وسبعين فيبقى من اتنين وسبعين لالفين واناشر اربعين سنة. تقول لي لا والله اللجنة هي
اللي هتسننك مش هناخد بمصلحة الاحوال المدنية ولا انت بتعتمد على قرار صاحب الصفة؟ على قرار الجهة المختصة - [00:28:55](#)
فكذلك الجهة المختصة باعطاء قرار بعدم سبق الحصول على الجنسية ادت لك شهادة بعدم سبق الحصول على الجنسية خلاص
والمحكمة اصدرت حكم بعدم سبق الحصول على الجنسية. تقول والله انا هنحي الجهات صاحبة الصفة وهاتخذ انا قرار انشئه -

[00:29:15](#)

بانشاء جنسية لهذه المواطنة المصرية من عند نفسي قلت له اقصى شيه لو جا لك شهادة انك تبعثها لصاحب الصفة تقول له طب انا
جا لي الشهادة دي بعد حكم ما رأيك فيه؟ هو اللي يصدر مش انت تقول والله انا مكان الجهة الطبية وجهة وزارة الدفاع والداخلية انا
- [00:29:35](#)

وقلتها لهم نسا اغتصب اختصاصات الدولة كلها. طيب ولكن احنا دلوقتي لما بييجي لنا شهادة مسلا الفيش والتشبيه اللي هي صحيفة
الحالة الجنائية بتقول ان فلان ما عليهوش احكام واجبة التنفيذ بنستعلم برضو يمكن السابقة الاولى ما نزلتش. قلت له اشركك شكرا -
[00:29:58](#)

جزيليا على هذه الملاحظة. انت لان المستند اللي قدامك خالي ولكنه لا يعني السابقة الاولى فانت جبت السابقة فانت عايز تستكمل
بشيه المستند ده ما يدلش عليه. المستند الاولاني ده ما يدلش عليه فبتجيب حاجة تانية - [00:30:18](#)

عشان الدلالة تكمل. انما انت هنا ما عندكش حاجة تانية انت عندك لغاية تاريخ امبارح يوم حداثر حكم قضائي بانها لم تحمل
الجنسية الاخرى ودي صاحبة الصفة. انت هنا مش بتستكمل انت بتقول لي لما جت لي صحيفة الحالة الجنائية فاضية انا بعث لهم
اقول لهم طب والسابقة الاولى. طب ما انا عايز - [00:30:38](#)

منك كده. لما جات لك شهادة الجنسية ابعت لهم قل لهم طب والشهادة دي اثرها ايه؟ مش انت اللي تتخذ القرار من عند نفسك؟ مش
عارف واضحة النقطة دي ولا لأ؟ يعني هو في صحيح - [00:30:58](#)

الحالة الجنائية جات له صحيفة ما فيهاش جرايم. لكن هو عارف ان صحيفة الحالة الجنائية يمكن ما ينزلش فيها السابقة الاولى.
فراح باعت لهم مرة تانية قال لهم قولوا لي اخبار الراجل ده عنده سابقة اولي ما نزلتش في الصحيفة ولا لأ - [00:31:08](#)
هو بقى بيستدل بكده احد اعضاء اللجنة المستشارين الكبار يقول لي دي زي دي. انا برضو عندي الجنسية وعندي ورقة جديدة. قلت
له بس انت في الورقة اولانية دي لما لقيت عندك نقطة ناقصة بعث لهم بعث للجهة صاحبة الاختصاص تقول لها طب وافيني بالسبقة

الاولى. انما - 00:31:24

هنا انت ما بعثت للجهة صاحبة الاختصاص انت اغتصبت سلطتها وطلعت القرار من عند نفسك. فسكت لانه المثل هو اللي ايلوا ومع ذلك هو هنا مختلف عن هنا. هنا لما لقي المستند قدامه ناقص بعث لجهة الاختصاص وهنا لما لقاه ناقص اغتصب الاختصاص وقام -

00:31:44

نفسه. دي اللجنة اللي النهاردة بتاخذ هذا القرار واللي بتقول لشعب مصر انا هشيرل احد المرشحين يطلع او حش واحد في المرشحين.

ويطلع قال لهم شعبية انما دي كرامة شعب. ان انا هشيرل واحد من المرشحين - 00:32:04

اغتصابا لسلطة الجهة اللي تقرر الجنسية واخذ انا القرار بنفسى وخرقا لقواء لبنيان الاثبات في القانون المصري. ومصادمة لجهة الحكم القضائي. عايزين ايه اكر من كده هاعمل ايه ؟ انا رحى الوقتى الى لما لقيت المسألة رحى للقضاء. قلت له يا قضاء احكم لي

فحكم لي - 00:32:20

فخرجنا الى اللجنة فاللجنة حكم القضاء وابتكرت هيعمل نعمل ايه اكر من كده. وبمستندات اديكم شفتم حقيقتها. ولزلك انا بعد ما خلصت ده كله قلت له بعد ما خلصنا بقى الشرح التفصيلي ده كله. قلت له وبعدين انا عايز اقول لحضرتك حاجة. هو في كل -

00:32:46

لاحكام اساتزة قوانين الجنسية اسمه القانون الدولي الخاص اسمه العلمي كده. قوانين الجنسية اساتز الجنسية في الجامعات. بيسمي الشهادة اللي جاية من امريكا ولا اسرايل دي ايه لان ما كانش حد غلب. اما اسرايل تشوف كشف بالتلاتة وعشرين مرشح قدامها.

تقول والله انا مش عاجبني ده وده. تعال يا فلان اعمل له - 00:33:10

انهم اسرايليين وبعثهم. القانون بيقول ايه؟ الاساتز الدكتور فلان الاساتز الدكتور مسلا فؤاد عبدالمنعم رياض اللي هو اساتز الاساتزة في القانون الدوري الخاص وكان قاضي دولي ولا مسلا الدكتور عادل عفيفي اللي كان رئيس مصلحة الجوازات والدكتوراة بتاعته في

اثبات الجنسية ولا الدكتور - 00:33:30

فلان وقلت له بالنص وكاتب في المذكرات ده بيقول ايه في كتابه وده بيقول ايه وده بيقول ايه وده بالتفصيل. قلت له كلهم بيقولوا حاجة واحدة بيقولوا ان مش دولة ترسل خطاب. سلام عليكم. اه الست دي واخدة جنسية. قلت له دي واقعة من طرفين. طرف هي -

00:33:50

وطرف هي المواطن اللي الدولة بتقول ان انا اديت له جنسيتي. طرفين واقعة التجنس واقعة من طرفين قرار الدولة الاجنبية فيها

مش قرار مطلق. قرار الدولة الاجنبية فيها انها بتدعي على مواطن انه اكتسب منها الجنسية الاجنبية - 00:34:10

فبتيجي الدولة تعمل ايه في الحالة دي؟ تقول ده اكتسب الجنسية وهو يقول لأ يا فندم يا سعادة رئيس المحكمة الدستورية والنقض

والمجلس الدولة الحكم القانوني هنا عن واقعة فيها طرفين طرف منها يدعيها والطرف الثاني ينفي - 00:34:32

فيها ما هو الحكم القانوني لهذا؟ فقال لي الحكم القانوني لهذا هو انها تخضع لقواعد الاثبات. قلت له طيب وهل هل اخضعتم هذا

النزاع بين ما تدعيه امريكا حتى لو كانت مدعيه مع ان ما فيش ورقة ما فيش ولا ورقة امريكا بتدعي فيها هذا - 00:34:52

هل وبين ابن الست المتوفاة اللي هو اصبح صاحب المصلحة واصبح هو الخلف الخاص واصبح هو من تلقى عنه الحق هل اديتوا له

فرصة انه ده يثبت وده ينفي عشان بيان بعد تحقيق الاثبات؟ ولا انتم اعتبرتها حتما لازما - 00:35:12

وقدرا نازلا من غير ما نمكنه من الاثبات. وسألتهم والحقيقة كانت الكلام كله عبارة عن عن مسائلات يعني. قلت له هل فيه في قانون

ان في واقعة تصبح ثابتة قبل ما يجري اثباتها طبقا لطرائق الاثبات القانونية في حاجة كده في اي مخلوق في الدنيا قال كده في اي

حاجة - 00:35:32

حد قال كده؟ في اي كتاب ذكر هذا؟ في اي حكم محكمة ذكر هذا؟ فاما ما انفردت لجنة الانتخابات الرئاسية وحدها من دون خلق

الله جميعا. ان طرف يدعي الواقعة وطرف ينفىها تروح هي معتبرها ثابتة. وابقى ولا انه - 00:35:52

تمكنك من طرائق الاثبات وهي ثابتة غصب عن عينيكم يا شعب مصر كله. يبقى دي حاجة لم يسبقهم بها احد من الاولين ولا من

الآخرين. ادي الكلام اللي اتقال ولزلك يا اخواني اليوم انا خارج من اللجنة اشعر تماما وانا بقولها بوضوح ان دي عملية تدليس من اكبر
[00:36:12](#) -

اكبر ما يمكن وعبارة عن هدم لبنيان الاثبات القانوني المصري بالكامل. وانا بقول الكلام ده وهيسمعني اسانذة قانون يا ريت يتكلموا
وينطقوا. ما فيش ولا واحد له رأي مختلف عن ده. ما فيش ولا واحد بيقول الصورة الضوئية اذا جحدناها تفضل موجودة. ما فيش
حد يقول لك لا - [00:36:32](#)

بقي ما فيش. وبعدين بعد كده قلت لهم ومع ذلك طبعا للمادة عشرة من قانون الاثبات. افرض الورقة عليها توقيع وختم وكل حاجة
هو ده اللي القانون بيسميه المحررات الرسمية. ده لا ينطبق عليه ولا بد ان يخضع ايضا لطرائق الاثبات. فسكتوا عند النقطة دي ما -
[00:36:53](#)

يخش يتكلم ولا يقول ده واقع ده مسلم. فانا خارج النهاردة من اللجنة وزى ما قلت لهم اخر الكلمة اللي انا قلتها لهم فيها. قلت لهم انا
النهاردة سامي لا شيه ما فيش حاجة انا مش شايف حاجة. كل المستندات اللي بقولها لهم ده في وشهم علشان يبقى يعني لو في انا
بقول له دي - [00:37:15](#)

قلت له دي عملية استهتار بالغة انا شايف لا شيه ده لا يأتي الا بخرق البنيان القانوني المصري بخرق حجية الاحكام القضائية بخرق
توصيف المستندات بل انها حالة تزوير واسمعوا ما ياتي مش تزوير بس بذكر الاوصاف الغير واردة. طلع رئيس اللجنة المستشار
فاروق سلطان - [00:37:35](#)

طلع يوم السبت اللي هو اول امبارح يوم اربعتاشر وقال ان النهاردة والمستشار حاتم بجاتو قال النهاردة نطلع القرار بشأن حازم ابو
اسماعيل واذا بهم اول ما طلعت انا وقلت بقي انه المدى الزمني انتهى بمساء يوم تلتاشر وخلاص انقضى الوقت اللي ممكن يطلعوا
فيه القرار. اقروا - [00:38:01](#)

واهي صور القرارات كلها نازلة على النت. تلاقي كل المرشحين نازلة يوم اربعتاشر. القرار بتاعهم فوق كده مؤرخ اربعتاشر. وراحوا
ساحبين القرار بتاعي هنا وراحوا كاتبينها بتاريخ تلتاشر. بعد ما اعلن حاتم بجاتو وفاروق سلطان لاتنين انه يوم السبت - [00:38:25](#)
اربعتاشر هيصدر. لا انا بقي مش ده ده مش طبيعي اللي بيجرى ده ده مش انا مش امام اجراءات قانونية بهذه الصورة لا مش ممكن
يا اخوانا. عشان انا اللي تمكنت من الحصول عليه. سواء بطريقة مباشرة او غير مباشرة. نشرته لكم عشان يبقى خلق الله حكم بيني
وبين هؤلاء الناس - [00:38:45](#)

واللي مش متمكن انا ها انا اذا انا بتحدى ثم بتحدى اللجنة انها تنشر مذكرات المرفوعة اليها من الامانة العامة في اللجنة. ده
ده احسن دفاع لي اللي طالعة من جواهرهم. بس يا رب ما تتغيرش. كان في تمانية النهاردة شاهدين عليها. وان - [00:39:05](#)

ان شاء الله مش هيغيروها ناس كويسين مش هيغيروها بازن الله. اعمل ايه اكثر؟ اقول ايه اكثر من كده في الحالة اللي احنا
مفاجئين بها شيه فاضح وانا اقسام لكم بالله يا اخواني لو عندي منفذ قد كده منفذ قد كده لو - [00:39:25](#)

لو لو ثقب ابرة يمكني من اللجوء الى القضاء الان كنت بازن الله استطيع استصدر من القضاء حكم قضائي هذه اللجنة لان الحاصل ده
دي فضيحة حتى من ناحية القواعد القانونية. كون بقي انك في الاخر تستبعدني باهدار كافة القواعد القانونية - [00:39:45](#)

المنزومة والاختصاص وحجية احكام القضائية وبيانات الاوراق والصادر والوارد وكل حاجة والله انا ما ليش مصلحة ولكن انا ذا قد
قلت لاصحاب المصلحة واتفضلوا ردوا علي في هذا الكلام. انما انا لم يعد عندي شيه اكثر من كده اقول. انا النهاردة اثقلت عليكم كثير
- [00:40:10](#)

جدا. بس انا عايز اقول لكم حاجة. اتناشر اخبار على بعض الجرايد. اه اه ده انا نسيت اقول لكم شيه مهم جدا حصل النهاردة في
اللجنة. وفي كويس اني افكرته بمناسبة الاخبار اللي نشرت على الجرايد الان دي. انا اليوم - [00:40:30](#)

قلت لهم انا حتى هالجأ للمادة اربعتاشر اسبات. اللي بتقول ان اقصى حاجة لو فيه ورق مسند الى امي ان انا احلف بالله ايه العزيم ان
هذا الكلام انا لا اعرفه ولا لي علاقة به ولا شفته ولا كزا وها انا ذا وحلفت له - [00:40:50](#)

اقسم بالله العظيم في وجود المستشارين الخمسة وامين اللجنة والحاضرين الاخرين على هذا قلت لهم عشان يبقى بالحلف ده سقطت حجية الورق العرفي حتى. يعني حتى لو فيه ورق عرفي مش ورق رسمي مش محررات رسمية محررات عرفية تبقى -
00:41:10

سقطت كمان بكده. حلفت انما النهارده ينشروا لي ثاني يقول لك مش عارف يمثل قدام ايه ويحلف بالله. حلفنا ثلاث مرات لغاية النهاردة. ولن ولن استجيب لمثل هذا الهراء وان كان جزى الله خيرا اصحاب الفضيلة والفضل والمكانة كذابوا انهم طلبوا هذا. لان دي كانت تبقى نقيصة - 00:41:31

كبيرة يقول لي اهوت آآ مش عارف تهرب فلان من ايه وكده الكلام ده وكذبوه الان على انت الحمد لله رب العالمين طلع مكذب. لكن انا في المحكمة يوم الثلاثاء وفي المحكمة يوم الاربعاء انا ما حلفتش علشان يلزمني الحلف انا مش هحلف. انما انا حلفت لان المادة اربعتاشر اثبات بتسقط - 00:41:51

بهذا الحلف قيمة الاثبات فورا فحلفت من اجل هذا التلات والاربع على مسمع من المستشارين السبعة اللي هم هيئة المحكمة والمحامين وجمهور القاعة. والنهاردة مرة ثانية قدام اللجنة علشان ما حدش يقول لي فيهم والله ما انا - 00:42:11
ما كنتش موجود اه موجود في المحكمة. حلفت امامهم للمرة الثانية علشان يبقى المادة اربعتاشر شرطها تحقق. مش عشان حاجة. يعني انا لا احلف انما انا حلفت لانه ده يؤدي الى اثر قانوني فحبيت اقول لهم ان لو انتم يعني جواكم ان لسه في حاجة قائمة -
00:42:29

ها انا ذا اسقطها امامكم. عشان كده يا اخواني نحن امام لا شيه. لا شيه وما اظن ان يصدر القرار الا بالغاء قرار الاستبعاد واذا لم يحدث هذا ساسلك اشد ما استطيع ان اسلكه لانه لا يمكن بحال من - 00:42:49
الاحوال انه بعد ان اقتربنا من ان يمكن الناس من حرياتهم ان يحصل ان والله ما احنا مكننكو وقعوا على اذاركم مرة ثانية. وما كانش حد يغلب ولعلمكم اللجنة دي والله سبحان الله نفس نفس - 00:43:09
الاطقم اللي كانت موجودة قبل كده هي هي ما فيش حاجة اتغيرت. احنا ثورة ثورة لطيفة جدا الحقيقة. على كل حال تحبوا في شيه مش واضح تحبوا تضيفوا؟ يعني تحبوا نعم. طبعا دي برضو نقطة مهمة بس دي هنكشفها الناس هيروحوا يعملوها - 00:43:29
وفيها شغلانة دي رخرة هيغيروها. على كل حال. على كل حال حسبي الله ونعم الوكيل. اديني اقولها برضو ان انا عارف ان انا هقولها انا قلتها لكم في القعدة الخاصة. انما على كل حال. هقول لكم خلاص مش هقولها بس انا هقول النقطين لاني قلتها لاخواني الان -
00:43:49

فبيقولوا لي آآ قولها للناس. في طريقتين خارج مصلحة الجوازات وطريقة داخل مصلحة الجوازات اذا كانت اذا كان في حد مسجل على انه حاصل على الجنسية الاجنبية بتثبت لدى جهات اخرى هي كده بتثبت. على - 00:44:09
كل حال انا عندي المستند. عندي المستند زي ما عملت المستندات. وعلى فكرة انا مش مشغول دلوقتي بما ينشر على الاعلام لاني ما عنديش وقت اقراه اشوفه انا ما بشوفش اعلام انا الان ادرك لان المدى زي ما انتم عارفين يقول لك في خلال اربعة وعشرين ساعة يعمل كذا في خلال ثمانية وعشرين اعلان الحكم لازم في خلال ساعتين وبعدين توديه للجنة - 00:44:34
فاحنا بقى لنا النهاردة يجي سيع تمن تيام ما بنمش من الحركة الدائبة. لكن بعد كده هفضى بقى للاعلام وان شاء الله نفضلهم ونعرض عليهم ما يكون من امور والله المستعان. وان شاء الله ربنا يا ذا الجلال والاکرام ربنا كبير. انما على كل حال - 00:44:54
عندنا ادلة متعددة بعضها قدم في المحكمة بالفعل وان شاء الله ننشره برضه لكم يوم التلات اللي فات قدمناه ثم يوم الاربع قدمناه وبعضها ان شاء الله هننشره برضه وبعضها نتكلم في بعضها مختبئينه علشان عنصر التزوير - 00:45:14
اللي احنا وقعنا عليه والاخوة اللي عاتبوني على التلويع بمسألة الرشوة. نحن ما كنا نعرف ان في ده ده كلام اخبار جديدة جاءتنا احنا مش مش انا مش بقول لواحد انت انا شايل لك مسلا نقيصة وهطلعها دلوقتي عشان باهددك لأ دي حاجة ظهرت - 00:45:34
جات لنا امبارح الصبح او اول امبارح الصبح الايام بقى اختلطت علي امبارح او اول امبارح الصبح جيه لنا بها بصوا يا جماعة انا

هقول لكم توكلنا على الله ومصلحة الجوازات بتخطر تلقائيا تلقائيا اول ما بيتسجل على الكمبيوتر - [00:45:54](#)

بتاعها بتخطر تلقائيا بعض الجهات في الدولة بالذين دخلوا بجنسيات اخرى لأول مرة لان لهم معاملة خاصة ما دام اصبحت لهم جنسيات اخرى. فاحنا ذهبنا وكشفنا هل من ضمنهم اسم السيدة نوال عبدالعزيز - [00:46:12](#)

عزيز نور في سنة الفين وستة او الفين وسبعة الفين وثمانية الفين وتسعة. وهي توفيت في يناير الفين وعشرة فلم نجد فقلت لهم يمكن سقطت قالوا لي لأنه لا يعاد كتابة الاسماء ونبغ ده احنا بنبلغ بقاعدة البيانات زي ما هي - [00:46:32](#)

وهذا الكلام معي منه صورة ضوئية الحقيقة بقية الكلام هيبقى مضر اذا ظهر الان لانه برضو يعني اخشى ان انما على كل حال هذا مما سيظهر. اما مستندات المصرية فهي مقدمة في المحكمة وبعضها مصور والبعض - [00:46:51](#)

اخر قالوا لي بعض الاخوة انه ما نزلش سور ان شاء الله بازن الله تعالى هانزل صورته يا رب العالمين. انا طبعا ما اعرفش بكرة ده هيبقى شكله ايه انما مسلا بعد بكرة - [00:47:16](#)

بعد ما شوفوا لا يمكن ان نقبل مطلقا انه تخترق كل هذه القواعد من اجل العبث الامة بكاملها. وبالله التوفيق والسلام عليكم ورحمة الله وبركاته فعلى كل حال اهو ده بقدر المستطاع اقلنا عليكم بس اخواني وهم من اصحاب المكانة العالية واساتذة كبار وكل واحد في - [00:47:26](#)

قالوا يعني قالوا لي زي ما انت بتحكي كده الناس نفسها تسمع الكلام ده عشان تبقى موجودة. هل ده واضح اللي قلناه ولا تحبوا نضيف اي شيه تاني على كل حال هذا هو ما عندي ومؤقتا. هو واضح ان احنا هنبات سوا الليلة دي. فربنا يبارك فيكم. وجزاكم الله خيرا. وملتقي - [00:47:54](#)

بعد قليل ان شاء الله والسلام عليكم ورحمة الله وبركاته - [00:48:14](#)